

# Sango

**Sango** es la lingua la plu comun en Sentrafrica. Lo es clasida plu comun como un creole fundida sur ngbandi. La strutur es completa african, ma lo ave multe parolas adotada de franses. Lo ia developa longo la Rio Ubangi en la 1800s tarde par marcetores. Orijinal un lingua franca, la migra de popla variosa a la site Bangui fini con multe enfantes sola usante sango.

La spele de sango ofisial de 1984 usa 22 leteras:

a, b, d, e, f, g, h, i, k, l, m, n, o, p, r, s, t, u, v, w, y, z

On no usa c, j, q, o x.

## Contenida

**Vocales**

**Consonantes**

**Tonos**

**Pronomes**

**Verbos comun**

**Preposadas comun**

**Gramatica**

**Aprende**

## Vocales

	Oral		Nasal	
	Fronte	Retro	Fronte	Retro
<b>Cluida</b>	i	u	ĩ	ũ
<b>Media cluida</b>	e	o		
<b>Media abrida</b>	ɛ	ɔ	ẽ	õ
<b>Abrida</b>	a		ã	

E /e/ e /ɛ/ es scriveda con e; e /o/ e /ɔ/ es scriveda con o. La vocales nasal es scriveda in, en, an, on, e un.

## Consonantes

### Sango Sängö

**Parlada en:** Sentrafrica, Txad e Republica Democrata de Congo

**Area:**

**Tota parlores:** 5 milion

**Familia:** Creole fundida sur ngbandi.  
**State ofisial**

**Lingua ofisial de:** Sentrafrica

**Regulada par:**

### Sifras

**ISO 639-1:** sg (<http://www.sil.org/iso639-3/documentation.asp?id=sg>)

**ISO 639-2:** sag (<http://www.sil.org/iso639-3/documentation.asp?id=sag>)

**ISO 639-3:** [1] (<http://www.sil.org/iso639-3/documentation.asp?id=>)

**SIL:** [2] (<http://www.sil.org/iso639-3/documentation.asp?id=>)

### Mapa



La areas do es parlada

Vide ance: Lingua – Lista de linguas

## Sango consonants

	Bilabial	Labio-dental	Dental	Alveolal	Palatal	Velal	Labial-velal	Glotal
<b>Esplodente</b>	p b (b)		t d			k g	kp gb	
<b>Prenasalida</b>	<sup>m</sup> b	( <sup>m</sup> v)	<sup>n</sup> d	<sup>n</sup> z	nj	<sup>ŋ</sup> g	<sup>ŋ</sup> <sup>m</sup> gb	
<b>Esplodente nasal</b>	m		n					
<b>Fricante</b>		f v		s z				h
<b>Prosiminte</b>				l r	j		w	

La consonantes duple es scriveda kp, gb, mb, mv, nd, nz, ng, nj, e ngb. La /j/ es scriveda y, e /b/, noncomun, es scriveda b'.

## Tonos

Sango ave tre tonos: basa, media, e alta. En scrive, la tono basa no es marcada, la tono media es marcada con duple puntos (ˊ), e la tono alta es marcada con un sircoflexe (ˆ). "do-re-mi" ta es scriveda "do-rë-mî".

## Pronomes

- mbĩ - me
- mo - tu
- lo - el, lo
- ë - nos
- ĩ / âla - vos
- âla - los

## Verbos comun

- yeke - es
- bara - bonveni, alo
- hînga - sabe

## Preposadas comun

- tî - de
- ... tî mbĩ - ... de me
- na - a, con (strumental)

## Gramatica

Sango es un lingua isolante con la ordina de parolas sujeto-verbo-ojeto. Formulas nomin ave la ordina determinante-ajetivo-nom:

- mbênĩ kêtê môlengê
- indef. peti enfante

- "un enfante peti"

Plurales es marcada con la proclitica â-, cual presede formulas nomin:

- âmbênî kêtê môlengê
- PL-indef. peti enfante
- "alga enfantes peti"

La sufisa de deriva -ngö causa ce verbos deveni nomes. Lo cambia ance tota tonos en la verbo a media:

- kono - crese, es grade > könöngö - grandia
- kîri - reveni, repeta > kîrîngö - reveni

Jenitivas es formida normal con la preposada tî ("de"):

- dû tî ngû
- buco de acua
- "buco de acua, poso"

La prefisa a- es afisada a la verbo si la sujeto es un nom o formula nomin; lo no es usada si la sujeto es un pronom o es implicada (como en comandas):

- âmôlengê tî lo agä
- PL-enfante de 3S SM-veni
- "his children came"
- adü lo
- SM-pare 3S
- "el ia nase" (leteral "algun pare el")
- löndö mo gä
- leva 3S veni
- "leva se e veni (asi)"

## Aprende

---

Sango es fasil aprendeda. Per parlores de linguas european, la lingua ave du difisiles. On debe recorda ce on no divide consonantes duple. "Bambari", per esemplo, es pronunsiada ba-mba-ri, e no bam-ba-ri. Ance, como en cualce otra lingua con tonos, on debe no varia la tono par contesto. Per esemplo, si on indica un demanda con un tono levante, lo es posible ce on es disente un parola diferente e nonconveniente a la fini de la frase.

---

Retraeda de "<https://fn.wikipedia.org/w/index.php?title=Sango&oldid=19395>"

---

**La edita la plu resente de esta paje ia es a 22 junio 2018, a 21:50**

Testo es disponeda su la Lisensa Attribution-ShareAlike de Creative Commons; plu restrinjes pote pertine. Vide Contrata de usa per detalias.